

摘藻堂四庫全書薈要

子部

欽定四庫全書薈要

子部

御定淵鑑類函卷七十七
八

詳校官兵部主事臣雷純

欽定四庫全書薈要卷一萬一千五百二十五

子部

御定淵鑑類函卷七十七

設官部十七

吏部郎中
員外郎附

員外郎附
司勳郎中

司封郎中
員外郎附

考功郎中

員外郎附

吏部郎中一

員外郎附

今文選司

原杜氏通典曰郎中漢魏以來尚書屬或有侍郎或有郎中或曰尚書郎或曰某曹郎或則兩置或爲互名雖稱號不同其職一也皆今郎中之任

山公啟事曰吏部郎主選舉宜得能

整風俗理人倫者 齊謝朓為吏部郎上表三讓說在
歷代郎官篇 又王儉為吏部郎專斷曹事 又陸慧
曉字叔明為吏部郎吏部都令史歷政以來咨執選事
慧曉任已獨行未嘗與語帝遣左史以事請問之慧曉
曰六十之年不復能誥都令史為吏部郎也 梁顧憲
之字士思為吏部郎初其祖凱之嘗為吏部郎於庭植
嘉樹謂人曰吾為憲之種耳至是憲之果為此官然自
過江吏部郎不復興大選 又王亮字奉升為吏部郎
銓序著稱及後為吏部尚書
拘資次而已當代謂為不能 梁任昉為吏部郎參掌

大選居職不稱轉御史中丞案職官錄曰梁吏部郎舊
視中丞遷侍中 陳吏部郎中秩六百石 後魏孝文
帝欲創革舊制選置百官謂羣臣曰為朕舉一吏部郎

給卿三日假尋曰朕已得之矣乃徵崔亮爲之

亮字敬儒自參

選事垂將二十年廉慎明決尚書曰非崔郎中選事不辦

又曰

韋瑒爲吏部郎性貪婪鬻官吏皆有價

隋初諸曹郎皆謂之侍郎煬帝三年置六司侍郎後遂改諸曹侍郎但曰郎其吏部郎改爲選部郎唐初復爲選部郎中武德二年選部郎中鄭元毓以贓犯處極刑是也五年改爲吏部郎中龍朔二年改爲司列大夫咸亨元年復舊掌選補流外官謂之小銓并掌文官名簿朝集祿賜假使并文官告身分判諸曹事員外郎

隋開皇六年置吏部員外郎一人煬帝三年改爲選部
承務郎武德三年復舊加置一人一員判廢置一員判
南曹起於總章二年司列少常伯李敬元奏置未置以
前銓中自勘責故事兩員轉廳至建中元年侍郎邵說
奏各挾闕替南曹郎王綰以後遂不轉廳貞元十一年
閏八月侍郎杜黃裳奏舊例轉廳初武后載初元年又
加一員聖歷二年八月省開元十二年四月勅兵吏各
專定兩人判南曹尋却一人判貞元元年九月又以兩

人判至十二年閏八月又却一員判 增翰苑新書曰
歷代周官太宰屬官有下大夫蓋吏部郎中職在選舉
魏晉用人諸曹郎功高者遷吏部郎中歷代品秩皆高
於諸曹郎魏晉宋齊吏部郎品第五諸曹郎第六梁吏
部郎班第十一諸曹郎班第十二唐爲吏部郎中二人
一人掌考天下文吏之班秩品命一人掌小選未入仕
而吏京司者復分九品通謂之行署其應選之人以未
入流故謂之流外銓 宋史曰宋元豐官制行置吏部

郎中主管尚書左右選及侍郎左右選凡四人凡郎官並用知縣資序以上人充未及者爲員外郎後除吏部郎官皆有尚左尚右侍左侍右之稱相承不改 文獻通考先是乾道元年詔今後非曾任監司守臣不除郎官著爲令自是館學寺監丞拘礙資格遷除不行郎曹闕員但得兼攝旋即外補間有不次擢用者其自外召至爲郎則資級已高曾不數月必序進卿少而郎有正員者益少矣 續文獻通考遼南面吏部置官尚書侍

郎下有郎中員外郎其下屬官未詳 金吏部郎中二
人員外郎二人主事四人分掌曹事 元吏部郎中二
人員外郎二人主事三人 明改爲文選司置郎中一
人員外郎一人主事二人掌官吏選陞改調之事以贊
尚書

吏部郎中二

原郭子曰許允妻阮德如妹允爲吏部郎多用其鄉里
帝遣虎賁收允婦出閣戒允曰明主可以理奪難以情

求允至明帝核之允答曰舉爾所知臣之鄉人臣所知也願陛下檢校爲稱職與否若不稱臣宜受其罪既檢校皆官得其人於是乃釋允舊服敗壞詔賜新衣初被收舉家號哭允新婦自云無憂尋還作粟粥待之須臾允至魏志曰諸葛誕爲吏部郎人有屬託則顯其言而承用之後有當否則公議其得失以爲褒貶自是羣僚莫不慎其所舉王隱晉書曰李膺爲吏部郎清慎選舉號爲廉平又曰山濤爲吏部郎文帝與書曰足

下在事清明潔操邁時念多所乏今致錢二十萬絲百
觔穀二百斛 晉中興書曰畢卓字茂世新蔡人少亦
放達太興末爲吏部郎常飲酒廢職比舍郎釀熟卓因
醉夜至其甕間取酒飲掌酒者不察執而縛之郎往視
之乃畢吏部也遽釋其縛卓遂引主人宴於甕側取醉
而去卓嘗謂人曰右手持酒卮左手持蟹螯拍浮酒池
中便足了一生 又曰阮放與從弟孚齊名在銓管之
任甚有稱譽性清儉終不治產業爲吏部郎不免饑乏

王導庾亮以其名士給衣食放由是得仕 沈約宋書

曰王微字景元吏部尚書江湛舉微爲吏部郎微與湛
書曰君平生云與我名者殺吾身天爵猶滅名安用吏
部郎哉其舉可陋其事不經非獨縉紳者不道僕妾皆
笑之 山濤啟事曰人才旣自難知中人以下情僞又
難測吏部郎與碎事日夜相接非但當正已而已乃當
正人不容穢雜也乃以議郎杜默爲之 王蘊別傳曰

蘊字叔仁爲吏部郎欲使時無屈滯先用草萊曾下鼓

急出日昃乃至家去臺數里高褰車帷先後與語不得
進也一官缺求者十輩蘊連狀呈宰錄曰某人有地某
人有才不得者甘心無怨世說曰吏部缺文帝問其
人於鍾會會曰裴楷清通王戎簡要皆其選也於是用
裴又曰山公舉阮咸爲吏部郎曰清真寡欲萬物不
能移也增南史曰何尚之字彥德遷吏部郎告休定
省傾朝送別及至郡父叔度謂曰聞汝來此傾朝相送
果有幾客答曰殆數百人叔度笑曰此是送吏部郎中

耳非關何彥德也昔殷浩作豫章亦嘗定省送別者甚衆及廢徙東陽親舊無敢相窺唐書曰韋陟故相安石子也宋璟見陟歎曰盛德遺範盡在是矣累除吏部郎中陟於鑒裁尤長故事取人以一日試爲高下陟許自通所工先就其能試之已乃程考由是無遺才又曰高宗時崔行功累轉吏部郎中以善占奏常兼通事舍人內供奉與蘭臺侍郎李懷儼並主朝廷大典冊又曰天寶中劉迺服終方調時宋昱知銓事迺進書曰

書稱知人則哲能官人則惠今文部始掄才終受位是
知人官人兩任其責有司獨委一二小宰察言於一幅
之判觀行於一揖之內夫判者以狹詞短韻爲體故雖
有周公尼父圖書易象之訓以判責之曾不及徐庾雖
有至德以喋喋取之曾不若晉夫執政誠能先政事次
文學退觀其治家進察其臨節則龐鴻深沉之士亦可
窺其門閥矣 五代史劉鼎清泰中爲吏部郎中兼侍
御史知雜事鼎性若寬易而典選曹按吏有風稜 宋

史曰雍熙中趙及權判吏部流內銓初吏匿員闕與選人爲市及奏闕至即榜之吏部榜闕自及始 又曰神宗朝劉述爲侍御史十一年不奏課帝知其久次授吏部郎中 又曰光宗時劉光祖權侍左郎官兼禮部時殿中侍御史闕上方嚴其選謂宰臣留正曰卿監郎官中有其人正沉思久之曰得非劉光祖乎上曰是久在朕心矣 周平園集胡銓謚忠簡入對乞修德以結民心練兵以觀敵釁上曰久知卿直諒拜吏部尚書左郎

獻徵錄張瀚為山西右轄直指以私憾有所中之陸
光祖為吏部郎中爭曰如瀚者安得以浮議奪之且銓
部省各一人凡以采鄉評杜誣讎也祖與瀚同浙人稔
知其賢必欲調瀚寧罷祖以請乃得留

世宗時光祖歷
考功文選郎冢

宰虛已委任祖以田間諸老臣數十年不得起用乃謀
於徐相階從容調劑其間於是諸老臣起用起拜大僚
咸得其人又曰嘉靖間王與齡為文選郎中與員外郎鄭

曉主事周鈇遏貪殘以張治典皆以不附嚴相嵩罪謫
而去又曰正德間蘇民為選部郎文選據要地多所

嫌疑民處之特有清譽 又曰天順朝黃孔昭爲都水

員外郎郎署無故例不得改調吏部以孔昭賢特奏改
文選郎中孔昭持法最慎汲汲以人才爲慮嘗曰國家
之用才猶富家之積粟粟積於豐年乃可以濟饑才儲
於平時斯可以濟事自頃人矯激沽名以閉門謝客爲
高天下人才何由知之故公退客至輒延見詢訪有所
得必書於冊往往量其才隨其地參之輿論薦於天官
凡在選司者十五年 又曰嘉靖朝屠楷歷陞文選郎

中凡官職繁簡人才賢不肖得於見聞者咸紀之於冊

而高下其任先節行後才藝抑奔競獎廉能每注選因

才授職權勢請託抗論不從侍郎霍韜見其自任始不

能平久而益信且服之及出部遺以所服寓傳衣之意

侍郎張邦奇署部事楷以久任當遷奇奏留之曰四五

十年來無此文選云

以上郎中

唐書曰高銛以吏部員外

郎知貢舉文宗自以題畀有司錯以籍上帝語侍臣曰

比年文章卑弱今所上差勝於前又曰肅宗朝李栖

筠遷吏部員外郎判南曹時選簿亡舛多僞冒栖筠判
析有條號爲神明 又裴遵慶遷吏部員外郎專判南

曹天寶中海內無事九流輻湊會府每歲吏部選人盈
萬遵慶敏識強記精覈文贍詳而不滯時稱吏能第一
由是大知名 宋史曰吳充判吏部南曹選人胡宗堯
翰林學士宿之子坐小累不得改京官判銓歐陽修爲
之請仇家譖修以爲黨宿出修同州充言修以忠直擢
侍從不宜用讒逐若以爲私則臣願與修同貶於是修

復留而充改知太常禮院 言行錄曰孝宗朝李浩爲

吏部員外郎未幾宰相召爲郎者四人將進用之尤屬

意浩浩默然無一辭同舍皆遷浩獨如故 樓攻媿集

曰陳傅良去朝四十年及歸鬚鬢如雪丞相留正一見

歎曰幾年陳君舉尚可使外補邪奏留爲吏部員外郎

初對上曰卿去國幾何時朕欲見卿久矣知卿抱負學

問深醇有所著書進來時上臨朝淵默罕有璽語傅良

敬謝而退以周禮說進擢祕書少監 獻徵錄曰嘉靖

朝王穀祥爲選部員外郎忤太宰汪鋹出貶時鄺汴王
慎中任瀚唐順之並以才居吏部不利爲伍亦相繼謝
去穀祥吳人田負東郭課農自給與田父野老譚笑終
日不知爲吏部郎也母顧安人亦時往餉之後交薦不
出

以上員外郎

吏部郎中三

原許允清吏 阮放名士

魏氏春秋云許允爲吏部選
遷郡守明帝疑其所用非次

將加其罪允對曰某郡太守雖限滿文書先至年限在
後某守雖後日限在前帝前取事視之乃釋然遣出望

其衣敗曰清吏也賜

庾顗靜默無爲 阮咸清真寡

之衣 下詳前二

欲 晉書曰庾顗遷吏部郎是時天下多故

增任尊

機變屢起顗常靜默無爲

下詳前二

典劇

通典後漢鄭弘爲僕射奏云臺職任尊而賞薄人無樂者故吏部郎中補二千石自弘之奏此始也

東漢吏部郎中

三列宿 百官圖

唐貞觀中韋湊爲庫部郎中與

典劇多超遷者

弟吏部郎中叔謙主爵郎中季武同省時號三列宿

宋史范仲淹爲吏部郎時呂夷簡執政進用者多出其

門仲淹上百官圖指

王戎穎悟 劉鼎風稜

晉王戎少年穎

其次第夷簡不悅

悟二十四爲吏部

徐寧清士 陸准正人

晉書曰桓彝爲吏部

郎 下見上二

郎蒞任稱職名顯朝廷以疾去職嘗過興縣縣宰東海

徐寧通朗博涉彞過之累日結交而別先是庾亮每屬

覓一佳吏部及至都謂亮曰爲卿得一吏部矣亮問所
在彞曰人所應有而不必有人所應無而不必無徐寧
真海岱清士因而叙之即遷吏部郎竟歷顯職山公
啟事吏部郎典碎事日夜相接非但當正己又當能正

人議郎杜默德履亦佳太子庶子崔諒中郎
陸准皆有意正人其次不審有可用者否

公議得

失躬閱案牘

上詳前二言行錄宋傅察爲吏部郎
選事最號煩劇在職者畫諾而已公取

案牘躬爲省閱每至
申刻方歸日以爲常

李眉廉平

胡銓直諒

俱見上二

謝朓讓禮桓彞顯名

通典齊依宋元嘉舊制其拜吏
部郎有表讓之禮謝朓除吏部

郎上表三讓中書疑朓官未及讓以問沈約約曰宋元
嘉中范蔚宗讓吏部三表及詔優答其事宛然下見

上徐寧注

拔才舉能

剖疑析滯

王僧綽爲吏部郎掌參
大選究識流品諳悉人

物拔才舉能咸得其分
唐席豫作楊吏部郎中碑銘
序簿書以旌淑慝擇刀筆以決臧否剖疑析滯揮翰如

流選部以清

緊公是賴

公綽先入

杲之稍遷

唐柳公綽與裴度俱爲判官綽

先入爲吏部郎中度有詩餞別兩人同日事征西今日
君先捧紫泥
齊書庾杲之字景行司空劉劬見而奇

之曰見卿足使江漢宗望杞梓
發聲稍遷吏部郎中參選事

設長名榜

定朝儀

令

選舉志吏部郎中裴行儉始設長名榜列銓注期限等法
北史魏鄒淵博覽經典太祖定中原擢爲吏

部郎淵明解制度多識故事與崔元伯參定朝儀律令音樂及國文記詔策多淵所爲也

送行非

彥德

種樹爲憲之

上見二南史下見一通典注

整風俗理人倫

斥華競塞私謁

上見通典注山公啟事

晉書李重字茂增遷吏部郎詢朝衆而斥華競

存公平而塞私
謁以上郎中

南曹

小選

唐六典吏部員外郎掌選院謂之南曹以其曹

在銓曹之南故云唐百官志員外郎二人掌文選以三銓之法官天下之才其投試銓注與流內畧同謂之

小選

無留才

滌宿弊

唐書崔郾遷吏部員外郎每擬吏親挾格褒貶必當雖寒遠無

留才

又劉崇望字希從轉吏部員外郎崔安潛爲

吏部尚書崇望判南曹滌除宿弊選事最爲清辦

吏部省眼

南宮眉目

分紀唐吏部郎中二廳先小銓次格式員外郎二廳先南曹次

廢置舊說吏部爲省眼

劉禹錫撰神道碑韋陟字商

衡爲吏部員外郎是曹在南宮爲眉目在選士爲司命

執直筆閱簿書紛

執筆閱書

張幕設案

上見上南宮注通

拏盤錯一瞬而剖

鑑長編宋紹興三十年以劉珙爲吏部員外郎時苦吏爲奸珙思有以制之一日命張幕設案置令式其中使

選集者得出人繙閱與吏折
辨吏無得藏其巧人甚便之

不附相意 論奪民財

言行錄李殿撰浩字德遠為吏部員外郎宰相召同為
郎者四人欲有所陞用最屬意於公公不發一語明日
同舍郎皆遷公如故 宋楊誠齋集張栻召為吏部員
外郎廟堂用史正志為發運使奪州縣財賦遠近騷然
栻為上言之上曰正志以為非取之民公對曰今州縣
財賦大抵無餘不過巧為之名以取之於民耳上聞之
豐然顧栻曰論此事者多矣未有能及此者如卿之言
是朕假手於發運使以病吾民也閱實如栻言即詔罷
之

諠騰無避 判析有條

唐李朝隱為吏部員外郎
時政出權倖不關兩省而

內授官但斜封其狀付中書即宣所司朝隱執罷千四
百員怨誹諠騰畧無避屈 唐李栖筠遷吏部員外郎

判南曹栖筠判析有條奸吏奪

氣號為神明 以上員外郎

吏部郎中四

原羣才畢舉

王隱晉書云李重遷吏部郎務抑華競不通私謁時留心隱逸由是羣才畢舉海內

莫不歸心

杜錫不敢用鄉親

又杜錫字世叔補吏部郎不敢用鄉親一人

選

舉精密論望益美

晉書周馥傳云司徒王渾表馥理識清正無有才幹主定九品檢括精密

臣委任責成褒貶允當請補尚書郎許之稍遷司徒左長史吏部郎選舉精密論望益美

雖充人

乏誠失其所

表宏與謝僕射書辭吏部曰聞欲見擬爲吏部郎不知審爾否果當至此誠相逼之

過聞之惕然不能自默者顧以參伍羣才故當粗依其方苟得則大小成器經綸允中最以其先者僕之才性盡此無分雖以充人乏誠失其所也

阮咸三上不用

干寶晉書曰山濤舉阮咸爲吏部郎

三上弗能用之

坐稽遲免

臧榮緒晉書曰劉寶字子直為吏部郎坐選稽遲免官

以

私被黜

徐廣晉紀云吏部陸亮山濤知其非才啟可為左丞帝遂使為吏部郎其後果以私被黜

增夷曠似玉

永嘉官品吏部郎中溫畿世論其為人夷曠似玉

號稱平允

宋書

義興太守褚翔召為吏部郎中郡百姓老少追送至出境翔居小選素性公清不為請囑易意號稱平允

有喉舌任

宋張績遷吏部郎中裴子野曰張吏部有喉舌之任己恨其晚

宜師此人

山堂肆考隋李德林為吏部郎陸昂命其子與德林周旋誡之曰汝每事宜師此人以為模楷

任參

六典

類要任參六典選重一時

江東士人之冠

宋史張洎判吏部銓嘗引對選人上

顧之謂近臣曰張洎富有文藝至今尚苦學江東士人之冠也

木彊難犯

又雷有終德驥子也

以廕補漢州司戶參軍時侯陟與選木彊難犯選人聽
署於庭無敢譁者有終獨抗言願爲大郎治獄掾侯此

之曰年未三十安事任此官有終不爲

上常目送楊

沮後以討平蜀亂召拜宣徽北院使

部事無留

丁未錄晁

山撰行狀宋曾肇除吏部郎中每便

殿引選人上常目送之出殿門乃已

補之字无咎爲吏部郎有嶺外尉獲盜八人法當改官

考功謂獲盜不同處曲沮其賞持之不決尉客京久窘

甚詣公訴之公爲憫然一日當奏即爲上

平允無私

之七日得遷官於是吏胥畏服部無留事

元史延祐時趙師魯典銓

以歲月定資品

又仁宗即位韓若愚

選平允無私人無不服

爲吏部郎中故事凡潛邸官吏不次遷

講學

獻徵錄嘉靖間

轉若愚以歲月定其資品遂著爲令

許孚遠在南考功盛講學調北稽勲時文選郎胡汝桂

方錚錚自附講學每引公款語先是選君高貴不輕與

新進交一談汝桂所與語皆講學道所已行而諸僚說其事以爲必議流品竊聽無所得

還茗

又鄭

曉在選司里中士餽以金飾雜置茗中曉受之天人發茗得金函以告曉迨然不動聲色令封緘如故召其人曰家尚有餘茗不敢當尊惠也授令持歸

雅操端潔

又正德時王道改吏部驗封歷考功文選

前後在吏部十年雅操端潔

門無私謁清畏人知

又孝宗朝喬宇爲選司郎中日

益策勵門無私謁清畏人知凡三典考察惟公惟慎輿論稱允

破一時拘攣之格昭

國家立賢之意

文選郎中陸光祖語

無負吾心

又選曹林春嘗曰選曹之職欲

上通於君與相與冢宰之心下通於選人與天下人之心選曹居其間欲兩合焉難矣雖然求無負乎吾心已矣以

告以當代文獻

宋史高宗時吏部員外郎許忻有名中朝退居臨川少所

賓接一見陸九齡與語大悅盡以當代文獻告之自是九齡益肆力於學

請黜黷吏

錄林獻徵

春爲選司主事時泰州守某黷而崖請於尚書黜之尚書趙趙曰未有劾者奈何曰不實則罷主事遂以其人調邊地頃之南御史劾章至則其人也竟黜之不爲崖異

又吏部官每於崖岸鎖門謝客雖親

故不往拜以自尊重林春歷轉吏部日盱出署則徧走刺答諸賓客或羅致賓客講學意恣恣如也

以上員

外郎

吏部郎中五

原詩梁沈約悼齊故吏部郎謝朓詩曰吏部信才傑文鋒振奇響調與金石諧思逐風雲上豈言凌霜質忽隨

人所往尺璧爾何冤忽此同丘壤

原表梁陸倕拜吏部郎表曰銓衡庶品歷選賓僚

一作名實

阮咸貞素屢薦未登陸亮忠心裁居拜職自非李重清
識李毅恬正則何以區分管庫式鑒胥史 王僧孺吏

部郎表曰臣生輕飛籜品細疏壤寂寞州閭取淪圭竇
不自求於善管寧許人以能官從班隨牒自安疎遠豈
望翰飛終知跡滯一逢浸漉幾聞超晉假拙爲心變奇
成偶寧謂天覆地長復與雨露相滋秋成春發必如暄

寒無爽自變泥塗多超嵩鄧屢考固其比越在累誠於
可聞方媿朱紫永憎鈞衡固惟許李終非王畢取其清
尚罔所經企求之碎密寧可庶幾 任昉吏部郎表曰
郎官之重千金非譬爰在前世寶光選造清通爲首終
遂弗居深識爲度累薦無獲承乏攝官顧知其望方今
皇明御宇昇長咸亨涇渭措紳無謬衡石抑揚庶品亦
候能官顧已循涯孰用祇荷惟知死所未識所報
原啟梁陸倕遷吏部郎啟曰臣器均濩落材同擁腫效

非積山勤垂附地自叨榮秩列裁移氣序而坐延曲私
遂被洪造自非剖蚌識珠觀石知玉寧可以獲名理俗
見操敦教王僧孺除吏部郎啟曰自一遇休明多逢
渥澤出斯溝壤置之霄漢清塗華轍叨厠累仍顯秩名
階俄來倏至而智效必其無取尤怠忽焉已彰不意涵
養更滋滂沛愈此始職樞華紛體恒選知非腆族必待
俊民何言賤劣所或叨假循涯測限生所不勝瞻恩奉
德死何能報

增記唐獨孤及吏部郎中廳壁記曰太微五帝星座後
十五星曰郎位秦漢之君則而象之乃建郎中至魏世
祖分尚書曹爲六郎各六人今之吏部魏之選曹也掌
選舉銓覈以正公卿大夫士羣吏之品位凡廢置之柄
官府之序歲終令天下郡縣會計致事而郎官起草立
議操而成之然後尚書受成於郎中之選非楚金百鍊
顏弓六鈞不與也故居官者不由選曹郎而進罔以見
其才之餘地亦猶刀劒之刃未嘗屠大牛切大玉則雖

曰吾且以爲鎡鋤人猶疑之由其塗而升驟必環周三臺翰飛兩掖登喉舌秉刀尺者什七八諸曹郎莫敵也

司封郎中一

員外郎附

今驗封司

原杜氏通典曰司封郎中按左傳曰晉文公作執秩以正其官注云執秩主爵秩之官漢尚書有封爵之任而無其官故後漢書曰馮勤字偉伯光武以爲郎中給事尚書使典諸侯封事勤量功次輕重國土遠近地勢豐薄不相踰越莫不厭伏焉自是封爵之制非勤不定晉

尚書有左右主客曹北齊河清中改為主爵置郎中一人屬吏部主封爵之事隋初為主簿侍郎煬帝改為主爵郎武德初為主爵郎中龍朔二年改爲司封大夫咸亨元年復舊光宅元年改爲司封郎中掌封爵皇之族及諸親內外命婦告身及道士女冠等天寶八載十一月勅道士女冠籍每十載一造永爲常式至德二年十一月勅道士女冠等宜依前屬司封曹員外郎隋文帝置煬帝改爲主爵承務郎武德初爲主爵員外

郎其後曹改而官不易 增山堂肆考曰唐楊凝爲司

封員外郎直聲彰聞 唐書曰憲宗朝李茂昭之子克

勸歷左武衛大將軍賜一子官五品克勸以其息幼願
推以予甥吏部員外郎裴夷直劾曰克勸散法以庇他
族誠恐開後日賣爵之端不可許詔從之遂著於令

文獻通考曰宋司封判事一人初以無職事朝官充凡
封爵之制一出於中書本司但掌定謚先期戒本部赴
集而已元豐官制行始實行本司事掌封爵序贈奏蔭

承襲之事寄祿爲朝請大夫

宋史云徽宗朝李光遷

司封郎首論士大夫諛佞成風杜塞言路王黼惡之注

桂州陽朔縣時李綱亦以論水災去國居義興光伺於

驛綱出呼曰非越州李司封船乎遂款留數日相與定

交而別 事文類聚曰元無專曹官封誥以令史分頭

掌之 續文獻通考曰明改爲驗封司置郎中一人員

外郎一人主事一人掌封爵襲蔭褒贈吏算之事以贊

尚書 獻徵錄譚綸觀政吏部時王直爲冢宰風岸孤

峭意輕南士見之瞿然曰南方有此人邪授驗封主事
一年擢員外又陞郎中英宗每召見直輒以綸隨上問
之以綸名對曰臣老矣於聖諭恐有遺忘此郎即代臣
志之且其人可信也上因欲大用之直謂綸年少資淺
他日用之未晚

司封郎中二

增執秩

典封

晉文公作執秩馮勤
典封俱見上通典

傳呼畫師

悟

其筆諫

唐書太宗與侍中泛舟春苑見異鳥容與波上
悅之詔坐者賦詩而詔閣立本圖狀閣外傳呼

畫師立本是時已爲主爵郎俯伏池左研吮丹粉望坐者心悵流汗歸戒其子曰吾少讀書文辭不減儕輩今獨以畫見召與廝役等若曹慎無習然性所好雖被訾屈亦不能罷也又柳公權字誠懸公綽弟遷司封員外郎穆宗問公權用筆法對曰心正則筆正筆正乃可法矣帝改容悟其以筆諫也

上科舉議

此代言手

蘇頲濱集東坡行狀王介甫用事議論素異還朝寘之官誥院介甫欲變更科舉上

疑焉公議上悟曰吾故疑此得蘇軾議意釋然矣即日召見楊誠齋集京鏜字仲遠參政龍茂良薦公於孝宗轉主管官誥院先是茂良帥豫章得公牋奏之文奇之曰此汪彥章代言手也充職兩月詔從臣舉良縣令爲執法官給事中王希呂以公應詔即召見曰卿議論通明有用材也是日除監察御史

作懷春

賦

試嘉禾詩

獻徵錄洪武朝鄧林歷稽勲驗封主事坐事謫居杭州林能爲古文章嘗作懷

春賦以寄意後官於朝大學士楊士奇祭酒李時勉見其詩文曰嶺南一代文人也所著有退菴集又正統

時李賢入選尚書郎郭進試嘉禾詩奇賢輔相才授驗封主事

關西授樂 白沙贈

詩

又楊忠愍繼盛初授南京吏部驗封主事時關西韓邦奇爲兵部尚書韓公大儒公從之受業三月而得

其數乃曰樂體於理而用於聲有器而後有聲乃購桐竹絲漆手製管和矣已製琴瑟簫笙埙篪之屬諧而合奏之若一以復於韓韓大悅曰技更進此乎吾欲製十二律之管管各備五音七聲而成一調何如公退而凝思廢寢食者三日夢大舜坐投公以金鐘使之擊而謂之曰黃鐘也公醒而汗忱若悟者起篝燈促復製管至明而成者六已而十二管成韓公撫膺高蹈曰得之矣始吾輯志樂成而九鶴飛舞於庭其應乃在子邪韓公既歸老語公樂不足以盡子吾爲子悉天文地理太乙六壬奇門兵陣之書而授子乃備習焉又憲宗朝翰

林院檢討莊昶偕編修章懋黃仲昭諫上元鼇山燈忤旨杖謫退處三十年至弘治冢宰王恕力薦起用丘濬當國嫉之授南京驗封郎中越明年罷歸陳白沙詩曰欲歸不歸何遲遲不是孤臣托疾時此是定山最高處江門漁父却能知定山之學與白沙同也

司封郎中三

增記宋虞似良官誥院題名記曰士自一命以上至於公卿凡除授誥命必繇院以給之則居是職者爲甚重而不輕矣故謹其付給而守其式令視他司爲嚴唐制百官誥身分掌於其所部文則吏部掌之武則兵部掌

之宗室命婦司封掌之考校勲績司勲掌之國初悉因唐舊置院於右掖門之左凡吏兵封勲四司之誥舉集諸此淳化五年始專置局命中書舍人一員提舉而以朝官一員判局事於是職任愈重元豐改制乃以文武官誥身悉隸吏部而以蕃官隸兵部崇寧大觀或置或不大抵廢則皆歸吏部右選政和復置院仍差主管官二員中興以來因仍不改

增疏明李賢疏曰國制誥命一事可爲萬世法程凡大

小之臣有私過者終身不得無私過者方許請給既與之後少有私過輒行追奪於是爲官者未得之前兢兢小心既得之後益加謹懼莫不感激去惡爲善修德飭行顧惜名節若此法不行則士皆失望善惡不分名節不振其有廉潔自守者反爲貪夫所笑以爲無異於我如此則相率而入於利途民之被害可勝言哉況中人之才可爲善可爲惡授職三年即得誥勅不勝榮幸遂革非向善戰兢保守而爲端正之士若待九年則此輩

必不待久遂流於貪況九年方與不得給者十常八九
如此則天下之士感激少怠志多使國家勸善懲惡之
法激厲名節之事無所於藉而下民亦不能不被其害
臣爲驗封主事若以避嫌而不言則爲不忠以所掌而
自言則爲要名臣寧犯要名之責無寧犯不忠之罪

司勲郎中一

員外郎附

今稽勲司

原杜氏通典曰司勲郎中按周禮夏官有司勲上士掌
六鄉賞地之法歷代無聞至後周吏部有司勲上士一

人掌六勲之賞以等其功如古之主爵隋文帝置司勲
侍郎煬帝改爲司勲郎永徽五年十二月四夜司勲庫
失火甲歷共盡龍朔二年改爲司勲大夫咸亨初復故
掌校定勲績論官賞勲官告身等事 員外郎 隋文

帝置煬帝改爲司勲承務郎至武德初乃改爲司勲員
外郎 增唐書張嘉貞傳曰張循憲薦嘉貞奏對侃侃
武后悅擢循憲司勲郎中酬其得人時功狀盈几郎吏
不決嘉貞卽爲詳處庭無留牒 又文宗朝李中敏爲

司勳員外郎仇士良以開府階廕其子中敏曰內謁者
監安得有子士良慙恚又憲宗朝李絳以司勳郎中
進中書舍人翌日賜金紫親擇良笏與之且曰異時膺
顧託南面當如此宋史馮吉周中書令道子也以父
任歷仕司勳郎中吉嗜學善屬文雅好琵琶尤臻其妙
以是不得掌制誥頗不得意以杯酒自娛每朝士宴集
雖不召自至酒酣即彈琵琶彈罷賦詩詩成起舞時人
愛其俊逸謂之三絕文獻通考曰宋司勳掌勳賞事

凡勲有十二級自上柱國至武騎尉自從七品推而上之至正三品三歲一遷必因除授以加之凡賞有格若事應賞從所隸之司考實以報審核以上尚書省寄祿爲朝請大夫隆興初詔省并司勲郎中以司封郎中兼領事文類聚曰元無專曹官有勲封科以令史分頭掌之續文獻通考曰明改爲稽勲司置郎中一人員外一人主事一人掌勲級名籍喪養之事以贊尚書

獻徵錄嘉靖中稽勲郎中卜大順制辭秉公持慎甄量

精明 又崔銑為南京稽勲主事益約名流講評經史

司勲郎中二

增主賞 等功

周禮夏官司勲注云此官主封賞 又周禮司勲掌六卿賞地之法以等其功

王功曰勲國功曰功民功曰庸事功曰勞治功曰力戰功曰多凡賞無常輕重眠功眠音氏

勲府

右閫

唐制藏於勲府 白集獨孤郁自考功遷司勲郎中制選員外郎推居右閫

冠詞

人 兼史職

唐書張九齡有才鑒初為司勲員外郎張說為宰相親重之與通譜系嘗曰後來詞

人之冠也

又貞元時蔣

請族蔡京 不附秦檜

言行

又轉司勲員外郎兼史職

錄宋趙鼎為司勲郎中言自王安石用事肆為紛更祖宗之法埽地而生民始病蔡京托名紹述盡祖安石之

政以致大患今安石猶配享廟廷而京黨未族何以收人心而名和氣哉又宋陳文正公原伯字長卿自公爲司勳郎中秦檜方擅事公乃澹然其中檜雖稱公靜重常超用他人而公獨不以介意在省五年始爲軍器監

惟有司勳 不知吏部

李義山詩人間惟有杜司勳謂杜牧也獻徵錄林

春赴官泊淮淮守某以次謁客舟始及春供饌又薄若不知爲吏部者後淮守入覲考下當遠調春時轉稽勳郎白尚書以過淮事薦其庶靜留之

考功郎中一 員外郎附

原杜氏通典曰考功郎中按漢元帝時京房作考功課吏之法然其職不在尚書至光武改尚書三公曹主歲

盡考課諸州郡魏尚書有考功定課二曹宋元嘉二年又置功論郎並其任也例在吏部郎中篇後魏考功郎掌考第孝秀北齊考功郎中亦掌考第及孝秀貢士隋文帝置考功侍郎煬帝改爲考功郎武德初復爲考功郎中龍朔二年改考功爲司績咸亨初復舊掌考察內外百官及功臣家傳碑頌誄謚等事員外郎隋文帝置煬帝改爲考功承務郎武德初復爲考功員外郎其後曹改而官不易武德舊令考功郎中監試貢舉

人貞觀以來乃以員外郎專掌貢舉省郎之殊美者至
開元二十四年移貢舉於禮部今考功員外郎分判事
而已 增文獻通考曰宋考功判司事一人以帶職朝
官或無職事朝官充凡考課之法分隸他司或以他司
專領本司但掌覈太常擬謚及幕府州縣官流外較考
之事元豐官制行郎中員外郎始實行本司事續會要初
除蔡岫蔡京職畧掌文武遷敘磨勘資任考課之政令凡
命官隨所隸選以其職事具注於歷給之於其屬州若

司歲書其功過應升遷選授者驗歷按法而敘進之有
負殿則正其罪罰以七事考監司以四善三最考守令
凡改服色者以年勞計之應謚者覆太常所定行狀報
尚書省官集議以聞凡立碑碣名額之事掌之舊制考
課院其定殿最皆有考辭元豐悉罷分案十有七

五品案六

品案七品案八品案九品案職官案參軍案令丞案主簿案縣尉案使副案供奉官案資任案校定案法案知
元祐三年詔知州課法吏部上其事於尚書省送中

雜案

書省取旨縣令以下本部專行續文獻通考曰順帝

至元三年伯顏等奏置吏部考功郎中員外郎主事各一人至正元年吏部又置司績一人掌百官行止以憑敘用襲廕明考功司郎中一人員外郎一人主事一人掌官吏考課黜陟之事以贊尚書

考功郎中二

增定課

司績

晉職官志考功定課

職員唐

主羣

龍朔改爲司績大夫咸亨復舊

吏

列左曹

曾南豐除蔡京制主羣吏之課而議其誅賞郎於天臺任屬尤重又除呂和卿制

計羣吏之治而明黜陟之法臺郎典引列於左曹

鄭澣敏識

仲舒文名

分紀

鄭澣爲考功員外郎判史有驅迫人吏上言政績請刊石紀功者澣深得其情條奏廉察巧迹遂露人服其敏

識唐書王仲舒字弘中有文名遷考功員外郎奏議詳雅省中伏其能辭判精密典

選平允又裴珣遷考功員外郎侍郎鄭珣瑜考校辭判研覈精密皆值才實又嚴挺之開元中爲考

功郎中典選二年大稱平允進絀清明黜陟詳當又席豫遷考功員外郎進

絀清明拜吏侍立宗曰卿考功職詳事允故有今授又趙宗儒傳貞元六年領考功事黜陟詳當無所迴避

務覈實才皆取名士外郎時多請託進者冒濫歲

至數百人丘務覈實才議者謂自武后以來數十年采錄精明無丘比開元間海內少事帝賜羣臣十日一

燕宰相蕭嵩會百官賦天成元澤等詩八篇繼雅頌體使修撰孫逖序之改考功員外郎取顏真卿李華蕭穎

士趙驊等皆海內名士

不責細節 恐傷雅道

中興繫年錄考功員外郎魏

字邦達時郎選案牘不存吏緣爲奸凡川陝官到部者多以微文沮抑往返輒經年石請細節不圓處悉先放行人以爲便唐貞觀中冀州進士張昌齡與王公瑾皆善屬文名振京師考功員外郎王師旦知貢舉黜之及奏第上甚怪之師旦曰二人雖有辭華然其體性輕薄終不成令器若置之高第恐後進效之傷陛下雅道帝以爲名言

非蘇不可 得王遂清

韓休作蘇頲集序云屬考功員外郎闕時

中書令李嶠執筆曰考功郎非蘇君不可遂拜考功員外郎中興繫年錄王信字成之權考功郎有選人張公選初一年免銓至是改秩吏妄引復令扼之公鈎察其故吏怖服又有三蜀士實礙式吏受賂爲道地趙衛公爲工書以囑公持弗聽已而轉臨天官閱審成牘拊掌歎嗟激不已至白於上前他日上謂尚書蔡旉曰

考功得王信銓曹遂清邏者私相語指為神明焉

驅青雲上落省牆東

上見

後白居易送崔考功詩詩話唐王尚客為侍御史自以才望清華妙當入省常望前行忽降膳部員外郎微有悅悵張公忠詠曰有意嫌兵部專心望考功誰知脚踏蹬却落省牆東

不開倖門獨

得大體

獻徵錄弘治朝楊旦為考功郎中馬文升為太宰嘗考察京職有被黜而黃緣奏辦者有旨再

覈實文升倉卒拜命欲改擬以從旦持不可曰祖宗朝未有此例且倖門一開後將謂何文升亦悟遂覆罷再覈之命又嘉靖間雷禮以異等入銓曹考功繼考察汰權暱十四人陶仲文以符籙取媚歷官少保九年滿引大臣自陳禮奏真人仰荷聖恩効勞不引奏不曰奉職而曰効勞一時咸以為得大體相嚴與陶比銜之

挾印赴行在書墨絕吏奸

唐書裴諝遷考功郎中代宗幸陝諝徒步挾考

功南曹印赴行在上曰疾風知勁草 又王徽轉考功員外郎時考簿上中下字朱書吏緣爲奸多有措改徽白僕射請以墨書

請行賞先大勞 論賜謚不應法

唐以陸贄爲考

功郎中辭曰行罰先貴近而後卑遠則令不犯行賞先卑遠而後貴近則功不遺望先錄大勞次徧羣品則臣亦不敢獨辭上不許 東都事畧宋劉敞判尚書考功仁宗賜夏竦謚曰文正敞言謚者有司之事也竦行邪而陛下謚之以正不應法疏三上仁宗爲更竦謚曰文莊

考功郎中三

增鶴廳

唐考功員外郎廳事有薛稷畫鶴宋之問爲贊故名

掌考法

唐百官志考功郎中

掌文武百官功過善惡之考法凡百司之長歲較其屬功過善惡以九等大合衆而讀之流內之官敘以四善

善狀之外有
二十七最

不避權幸

唐穆宗即位召李渤為考功員外郎校定京官考不避權

倖皆行

吏無以欺

韓文正公神道碑王仲舒字弘中在考功吏部提約明悉故吏無以

欺

時以為榮

宋之問善為五言詩當時無能出其右者景龍中為考功郎中唐中宗增置修

文館學士擇朝中文學之士之問

能著人善

唐書盧承慶為

與薛稷等首膺其選時以為榮

考功時核百官考有坐漕舟溺者承慶以失所職考中

下以示其人無愠色更曰非力所及考中中亦不喜承

慶曰寵辱不驚考中

名知制誥

又憲宗朝李吉甫以考功郎中名知制誥

上能著人善類此

吉甫宰相

乃得遷固

又韋述舉進士時年方少儀質陋俊考功員外郎宋之問曰童

栖筠子也

子何業述曰性嗜書所撰唐春秋三篇恨未畢

他惟命之之間曰本求茂才乃得遷固遂上第

通為

升黜

又穆宗朝李渤名拜考功員外郎歲終當校考渤自宰相而下升黜之奏上會渤請急馮宿領考功

以爲郎中歲校京官四品以下黜陟之三品上爲清望官歲進名聽內考非有司所得專請如故事渤議遂廢

平一該博

又中宗以武平一爲考功員外郎初崔日用自言明左氏春秋諸侯官族他日學士

大集日用折平一曰君文章固耐久若言經則敗績矣時崔湜張說素知平一該習勸令酬詰平一乃請所疑日用曰魯三桓鄭七穆奈何答曰慶父叔牙季友桓三子也孟孫至甌凡九世叔孫舒季孫肥凡八世鄭穆公十一子子然及二子子孔氏三族亡子羽不爲卿故稱七穆子罕子駟子良子國子游子卬子豐也一座驚服平一問日用曰公言齊桓公楚莊王時諸侯屬齊若楚凡幾平公靈王時諸侯屬晉楚凡幾晉六卿齊楚執政幾何人日用曰吾不知君能知乎平一條舉始末無留語日用曰吾請北面闔坐大笑

德輿佳

壻

又獨孤郁檢校司封郎中及之子也擢進士第最爲

權德輿所稱以女妻之俄擢翰林學士權德輿輔政

以嫌去內職拜考功員外郎憲宗歎德輿乃有佳壻詔

宰相高選世族故杜棕尚岐陽公主然帝猶謂不如德

輿之得
願公無權

又周墀輔政以韋澳爲考功員外郎墀初作相私謂澳曰才小任重

何以相救澳曰苟公重知願公無權足矣墀愕然不喻

其旨澳曰爵賞刑罰非公所欲行者願不以喜怒愛憎

行之但令百司羣官各舉其職則公斂衽於

忤下考

廟堂之上天下自理何以權爲墀深然之

功杜詩注唐士留館學者謂之鄉貢皆懷牒自列於州

縣既至省由戶部集閱而關於考功員外郎試之開

元二十四年廷議省郎位輕不足以臨多士乃詔禮部

侍郎主之杜詩忤下考功第當在二十四年以前也

不交一談

宋史寇準知吏部選張洎掌考功爲吏部官屬準年少新進氣銳思欲老儒附已以

自大泊夙夜坐曹視事每冠帶候準出入於省門揖而進不交一談準益重焉

論謫御史

獻徵

錄鄭曉為考功郎中時巡按御史論劾疏至不甚當時曰御史論劾不當何以服人乃論謫御史時分宜枋國欲藉考察去臺諫之異己者曉

陽秋可畏

又儲璫為考功郎中

不聽則反黜其所私者數人臧否無不曲當一時人士悚然曰陽秋可畏

不以貪吏漏網

又聞淵改考功郎中當上

計時朱寧用事多所闕說二貪吏賂寧冀漏網太宰陸完計未決乃私語淵二豪得寧寧能得上即議斥上不從奈何淵曰三載黜陟官守之謂何即弗從守官可也乃竟議黜之

廉慎公勤如一日

又成化朝張憲觀政刑部冢宰尹旻知其所養欲以自助乃授考功主事歷員外郎郎中凡十四年廉慎公勤如一日

權要不避故舊不私

又成化間吳瑞為考功主事署郎中事凡考百司賢

否惟公權要不
避故舊不私

日侍禁廷

又正統間上以宋琰累朝舊臣轉吏部考功主事日

侍禁

不以先世曲庇

又世宗朝陸光祖改考功郎中大計外吏甄別精當先是有名

臣子屢挂吏議而當事大臣以先世故曲庇之光祖曰此所謂隳其家聲者也力請罷之

罷歸西

原

又嘉靖中考功郎中薛蕙以議禮撰爲人後解爲人後辨入奏下獄罷官歸西原號西原先生有西原集

考功郎中四

增詩唐白居易送考功崔郎中赴闕詩曰稱意新官又

少年秋涼身健好朝天青雲上了無多路却要徐驅穩

著鞭

增制唐錢珣授趙昌翰考功郎中制曰勅具官趙昌翰
國之舊章繫會府者僅二十六七坐曹郎見墜不舉焉
用官爲而善最之法所墜尤重非精才強力安能舉之
昌翰以名家子實自修整爲縣罷去脩然自安公卿有
知己之門車馬無致身之跡善養材用益聞精強是以
考績處之且欲明試於爾噫擇名曹置名士吾不知設
官之始獨爲人乎如或深思必將召寵

御定淵鑑類函卷七十七

欽定四庫全書薈要卷一萬一千五百二十六

子部

御定淵鑑類函卷七十八

設官部十八

戶部尚書
員外郎附

侍郎附

戶部郎中
員外郎附

金部郎中

員外郎附

倉部郎中

員外郎附

戶部尚書一

侍郎附

原杜氏通典曰周禮地官大司徒之職掌建邦之土地之圖與其人民之數

按今戶部之職與地官之任雖亦頗同若徵其承受考其沿襲則戶

部合出於度支度支主算計之官也算計之任本出於周禮天官之司會云

又太宰之屬有

司會以九貢之法致邦國之財用以九賦之法令田野之財用以九功之法令民職之財用以九式之法均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計

逆謂受而鈎考之可

知得失多少

漢置尚書郎四人其一人主財帛委輸至魏文

帝置度支尚書寺專掌軍國支計吳有戶部

吳孫休初即位戶部

尚書階下讀奏

而晉有度支

晉當陽侯杜元凱爲度支尚書內以利民外以救邊備物制用以濟

當時之益者五十餘條

又張華

皆主算也宋齊度支

爲度支尚書量計運漕決定廟算

尚書領度支金部倉部起部四曹梁亦有之後魏度支

亦掌支計

崔亮為度支尚書經
營費用歲減億計

北齊度支統度支

掌計
會凡

軍國損益供

倉部左戶

左戶掌天下
計帳戶口

右戶

掌天下公私
田宅租課

糧廩等事

金部庫部六曹後周置大司徒卿一人如周禮之制其

屬有民部中大夫二人掌承司徒教以籍帳之法贊計

人民之衆寡隋初有度支尚書則并後周民部之職

漢武

帝初置尚書有民曹主凡吏民上書悉經此曹理之後
漢光武改民曹主修繕工作鹽池苑園魏置左民尚書
晉惠帝又加置右民尚書至於宋齊梁陳皆有左民尚
書而後魏有左民右民等尚書多領工役非今戶部之

例而梁陳兼掌戶籍此則畧同自周隋有民部始當今戶部之職

開皇三年改度支爲

民部統度支民部金部倉部四曹

煬帝時韋沖爲民部尚書又武德二年

隋民部尚書蕭瑀爲相府司錄

唐永徽初復改民部爲戶部廟諱故也

太宗在位詔官民及公私文籍有世民兩字不相連者並不諱至高宗始諱之

顯慶元年改戶

部爲度支龍朔二年改度支尚書爲司元太常伯咸亨

元年復爲戶部尚書初戶部居禮部之後武后改置天

地四時之官以戶部爲地官由是遂居禮部前神龍元

年復改地官爲戶部總判戶部度支金部倉部事增

文獻通考曰宋制戶部判部事一人以兩制以上充凡戶口田產錢穀食貨之政令皆歸於三司

三司謂鹽鐵戶部度支也

本曹但受天下之土貢元會陳於庭而已元豐官制行罷三司歸戶部左右曹建炎兵興嘗以知樞密院張慙提領措置戶部財用後進中書侍郎仍兼之五年復以參知政事孟庾提領措置後罷專委戶部長貳左曹分案三曰戶口掌諸路州軍縣戶口升降民間立戶分財科差人丁典賣屋業陳告戶絕索取妻男之訟曰農田

掌農田及田訟務限奏豐稔驗水旱蟲蝗勸課農桑請
佃地土令佐任滿賞罰繳奏諸州雨雪檢按災傷逃絕
人戶曰檢法掌凡本部檢法之事設科有三曰二稅掌
受納驅磨隱匿支移折變曰房地掌州縣樓店務房廊
課利僧道免丁錢及土貢獻物曰課利掌諸州軍酒課
利比較增虧知通等職位姓名人戶買撲鹽場酒務租
額酒息賣田投納牙契外有開拆知雜司右曹分案有
六曰常平掌常平農田水利及義倉賑濟戶絕田產居

養鰥寡孤獨之事曰免役曰房場曰平準各隨其名而任其事曰檢法曰知雜 淳熙中詔以左藏南庫撥隸

戶部 續文獻通考曰遼北面有北南大王二院分掌

部族軍民之政視戶部南面尚書下侍郎郎中員外郎

並同吏部 金戶部尚書一員侍郎二員郎中二員貞祐

四年八月
後減六員

員外郎三員主事五員 元戶部尚書三人

掌天下戶口錢糧田土之政令凡貢賦出納之經金幣轉通之法府藏委積之實物貨貴賤之直斂散準駁之

宜悉以任之 至元元年分立戶部尚書三人侍郎二人郎中二人員外郎三人品秩與吏部同主事八人司計官四人比他部獨多以事煩也 明初沿唐制設戶部尚書侍郎之職掌天下戶口田糧政令仍屬中書省洪武十三年革中書省陞六部戶部屬有四曰民部曰度支曰金部曰倉部二十三年爲天下庶務浩繁改爲十二部曰浙江江西湖廣陝西廣東山東福建北平河南山西四川廣西各令清理一布政司戶口錢糧等事

每一部內仍分民度金倉四科以領其事二十九年又
改十二部爲十二清吏司永爲定制 永樂間定鼎北
京草北平清吏司增雲南貴州交趾三清吏司 宣德
間草交趾司附十三司帶管凡十三司所屬布政司府
州縣地理人物圖志所載古今沿革山川險易戶口多
寡與凡徭役職貢之方經費賙給之算藏貨贏儲之準
悉咨尚書侍郎而奉行其制命自罷丞相以後戶部之
職雖沿襲於度支而掌建邦土地之圖與其人民之數

固隱然大司徒之任矣歷永樂洪熙宣德間夏原吉以戶部尚書參謀密勿加至少保領尚書事即成周三公領六卿之職之遺也正統以來委任日隆凡戶部尚書加至宮保者後先相望其總督京都及通州諸處倉場初命司屬理之宣德五年命李昶爲戶部尚書專督倉糧遂爲定制以後不拘尚書侍郎惟資秩相應者命之世宗垂意農事又命兼督西苑農事而委任視昔尤加重原杜氏通典曰侍郎蓋周官小司徒中大夫頗同

其任後周依周官今侍郎則隋煬帝置民部侍郎唐因
之後改曰戶部龍朔二年改爲司元少常伯咸亨元年
復爲戶部侍郎他時曹名或改而官號不易舊制一員
長安四年加一員神龍元年減二年復加 增彙苑詳
注曰宋戶部之職皆歸三司元豐官制行戶部始總邦
計置侍郎二員紹興四年詔戶部侍郎二員通治左右
曹職事 續文獻通考曰遼南面戶部侍郎同吏部

金戶部侍郎二員正四品 元戶部侍郎二員品秩與

吏部同 明戶部侍郎左右各一人提督倉場侍郎或
尚書一人

戶部尚書二 侍郎附

增春秋左傳鄭子曰祝鳩氏司徒也

昭十七年

虞書帝曰

契百姓不親五品不遜汝作司徒敬敷五教在寬 尚

書周官曰司徒掌邦教敷五典擾兆民 晉書曰初魏

文帝置度支尚書專掌軍國支計明帝嗣位欲用安平
王孚問左右曰有兄風否答曰似兄帝曰吾得司馬懿

兄弟二人復何憂哉轉爲度支尚書 又曰杜預拜度

支尚書在位七年損益萬機不可勝計號曰杜武庫言

其無所不有也 又曰初帝與羊祜謀伐吳而羣臣多

以爲不可惟張華贊成其計及將大舉以華爲度支尚

書乃量計運漕決定廟算及吳滅詔褒其勲進封爲廣

武縣侯 又曰吳隱之爲度支尚書以竹蓬爲屏風坐

無氊席後遷中領軍清儉不改每月所得祿才留身糧

餘悉分賑親族 梁書曰到溉字茂灌爲左民尚書以

清白自修性又率儉不好聲色虛室單牀旁無姬侍自
外車服不事鮮華冠履十年一易朝服或至穿補傳呼
清路示有朝章而已 又曰何胤字子季齊永明中爲
左民尚書辭職不待報輒去居若耶山雲門寺高祖踐
阼勅給白衣尚書祿胤固辭 南史曰蔡景歷字茂世
入守度支尚書舊式拜官在午後景歷拜日適逢輿駕
幸玄武觀在位皆侍宴宣帝恐景歷不預特令早拜其
見重如此 又曰周弘正爲左民尚書夏月著犢鼻褌

衣朱衣爲有司所彈其作達如此 唐書曰司農卿李

緯爲民部尚書會有自京師來者太宗問曰房玄齡聞
緯爲尚書謂何對曰惟稱緯好鬚無他語帝遽改太子
詹事 佳話錄曰唐韋澳辭判戶部歸謂甥姪曰已讓

版使矣 宋史曰元祐元年門下侍郎司馬光奏令戶
部尚書兼領左右曹而舊三司財用事有在五曹寺監
者並歸戶部則利權歸一 又曰李常爲戶部尚書作
元祐會稽錄三十卷 韓忠彥爲戶部尚書時元祐會

稽錄初成入狹而用廣忠彥憂之因言斂節財用遂裁
冗費置局於戶部 金史曰伊喇道本名趙三大定中
遷戶部尚書上曰朕初即位卿爲戶部員外郎聞孳孳
爲善進卿郎中果有可稱及貳京尹亦能善治戶部經
治國用卿其勉之道頓首謝 又曰馬琪字德玉世宗
時戶部闕官命宰臣選可任者或舉琪上然之曰琪不
肯欺官亦不肯害民是可用也遂擢爲戶部尚書 又
曰高汝礪字巖夫泰和中拜戶部尚書時鈔法不能流

轉汝礪隨事上言多所更定民甚便之上嘉其議 元
史曰郝彬字景文行戶部尚書事經理鹽利請度舟楫
所通道里所均建六倉煮鹽於場運積之倉歲首聽羣
商於轉運司探倉籌定其所乃買券又定河商江商市
易之不如法者著爲法 獻徵錄曰明年富字大有英
宗復辟拜戶部尚書錢穀會計躬任其勞事有關於利
害者僚佐或難之富曰第行之吾當其責公毋署名可
也 又曰梁材字大用世宗時廷臣上議言司徒乃國

計大臣總領財賦得人實難竊見材操心廉直終始不渝且綜理既閑出納有執實清朝人才之望及今未衰尚堪任使乞蚤召用以盡其才上俞之又曰黃福字

如錫屢遷南戶部尚書公正廉恕素孚於人憂國之心

終始不渝嘗取范希文語名其退食之堂曰後樂以見

其志

以上尚書

舊唐書曰盧承慶思道孫也美風儀有才

幹太宗奇其明辨累拜民部侍郎太宗嘗問歷代戶口多少之數承慶叙夏殷以後迄於周隋皆有依據太宗

嗟賞久之 又曰開元十三年戶部侍郎楊瑒白慎知
坐支度失所皆出爲刺史上令宰臣及公卿以下精擇
堪爲戶部者多有薦元紘者將授以戶部尚書時執政
以其資淺未宜超授加中大夫拜戶部侍郎紘因條奏
人間利害及時政得失以奏之上大悅因賜衣絹 唐
書曰楊瑒爲戶部侍郎帝嘗召宰相大臣議天下戶版
延英殿瑒言利病尤詳帝咨賞於是宇文融建檢脫戶
餘口瑒執不便融方貴公卿喑默惟瑒獨抗議出爲華

州刺史 代宗大曆六年以韓滉判度支自兵興以來

所在賦斂無度倉庫出入無法國用虛耗滉爲人廉勤
精於簿領作賦出入之法御下嚴急吏不敢欺 舊唐

書曰李絳爲戶部侍郎判本司事嘗因次對憲宗曰戶
部比有進獻至卿獨無何也對曰將戶部錢獻入內藏
是用公物以結私恩上聳然益嘉其直 又曰牛僧孺
拜戶部侍郎初韓弘入朝以宣武舊事人多流言其子
公武以家財厚賂權倖及多言者班列之中悉受其遺

俄而父子俱卒孤孫幼小穆宗恐爲廝養竊盜乃命中
使至其家閱其宅簿以付家老而簿上具有納賂之所
惟於僧孺官側朱書曰某月日送牛侍郎物若干不受
却付訖穆宗按簿甚悅居無何議命相帝首可僧孺之
名 天中記曰盧汝弼簡求子也從昭宗遷後至太原
李克用累奏爲戶部侍郎太原使府有龍泉亭簡求節
制時手書詩一章在亭之西壁汝弼復爲亞帥每亭中
讌集未嘗居賓位西向俛首而已 太平御覽曰庾敬

休字順之爲戶部侍郎奏兩川米價騰踊百姓流亡請
糴兩川闕官職田祿米以救貧人從之 通略曰元祐

五年主議者執開河減水之策戶部侍郎蘇轍上疏諫
曰臣爲右曹戶部休戚計在此河若復緘默誰當言者
惟斷在聖心盡罷其議 金史曰劉瑋字德玉初世宗
器其材幹以爲無施不可及將幸上京以行在所須皆
隸太府欲瑋領其事嫌其稍下故移戶部侍郎張大節
於工部而以戶部授瑋上還謂宰臣曰劉瑋極有心力

臨事閒暇第用心不正耳若心正當其人才不可得也
元史曰楊湜至元中拜戶部侍郎兼交鈔提舉時用
壬子舊籍定民賦役之高下湜言貧富不常歲久浸易
其可以昔時之籍而定今之賦役哉廷議善之因俾第
其輕重人以爲平 獻徵錄曰明郁新洪武中超授戶
部右侍郎每奏事廷中玉音顧問天下地理陰陽戶口
漕運之數民間利害無巨細皆響應無所遺謬 又謝
璉陞戶部侍郎會尚書楊公致政璉獨主部事夙夜勤

勞釐姦剔蠹創便宜六事爲經久可繼之規端嚴正直
最有大臣風 又黃琛字廷獻爲戶部侍郎時尚書金
濂號知人妙揀僚屬一時所得皆天下之選琛在稠人
中尤耿介有爲最爲所器重

以上侍郎

戶部尚書三

原掌土地

登衆寡

周禮地官掌土地之圖又云地官之職登其衆寡

制國

用計軍儲

冢宰制國用必於歲之杪量入以出注制國用如今度支經用

晉文帝立度支尚

書以計

元凱之計 茂先之功

杜元凱爲度支尚書奏轉運之計也

軍儲

張

華字茂先為度支尚書決河渠地延萬里

周之國用制之於冢宰

漢之

軍食領之於丞相

增地鄉

版使

六典云戶部周之地官卿也

下見

二佳

敷教掌圖

上見二虞書掌建邦土地之圖

周禮大司徒之職與其人民之數

以佐王安擾邦國

辨物

擾民

周禮以土會之法辨五地之物生

武庫義倉

上見二晉書年為度支尚書

奏令民間每秋家出粟隋書云長孫平開皇三

麥一石以下貧富為差等儲之閭里以備凶年名曰義倉

司邦賦

制地征

白居易行

裴珣制及領地官且司邦賦會計事劇司納孔殷授利刃以皆虛委禁絲而必理

常集制掌司徒之邦教制

民曹之地征綜事帥屬居其要會幹時圖才始可典領

眷殊厚

時為榮

唐書云德

宗時王紹進戶部尚書眷待殊厚主計凡八年政事多
闕防亦未嘗一言漏於人分紀云鄭善果爲戶部尚
書制與裴寂等十人每奏事及侍立並
令陞殿與從兄元璿在其數時以爲榮

父子並爲

兄弟素篤

詩本序曰鄭武公父子並爲司徒善於其職
梁書云到洽爲御史中丞兄溉爲左民尚

書舊制中丞不得入尚書下舍洽引服親不應有礙
到省評決乃許入溉省亦以兄弟素篤不能相別也

正身奉法 幹時通才

分紀鄭善果爲民部尚書正身
奉法甚有善績 下見前制地

征

杜暹展足 李緯好鬚

上見四
下見二

何胤固辭 景

歷蚤拜

上見二梁書
下見二南史

作會稽錄 置裁省局

上見二
宋史李

常

下見

利人救邊 陳圖挂籍

晉書杜預爲度支
尚書內以利人外

二韓忠彥

以救邊備物置用濟當時之急者五十餘條

下見四張鷟集

王珣內相 德元舊

臣唐書王珣佐明皇平內難爲戶部尚書帝於珣眷委特異預大政事號曰內宰相

下見四帝自擇

以

上尚書

右曹 左戶

蘇轍再謝除戶部侍郎未右曹之政本專賦役之煩近歲以來復益

金倉之舊下關民力上計邦儲 翰苑新書唐戶部侍郎有二員判使按者別一署謂之左戶元和後選尤重宰相多由此進崔

選從人望

喜見鳳儀

唐韓愈除崔羣戶部

制地官之職邦教是先必選國華

所獻精英 此除

以從人望 下見五劉禹錫詩

平緩

唐天寶中楊貴妃有寵中外爭獻珍玩嶺南經略使張九章與王翼所獻精英九章加三品翼爲戶

部侍郎 宋元祐初用治平故事命大臣薦士試館職一時名士在館率論資考次遷轉未有越次進用者皆

有滯留之歎張文潛晁无咎俱在其間一日二人閱朝報見蘇子由自中書舍人除戶部侍郎无咎以爲平緩曰子由此除不離核謂如果之粘核者文潛曰豈不勝汝枝頭乾乎聞者大笑按東方有果如李每熟不待摘輒便槁土人因取藏之故謂之枝頭乾

莫匪正人

多登大任

見後白居易制

李憇見重

張板知名

獻徵錄明李新字克明陞戶部右侍郎宣宗常呼李憇而

不名其見重如此又張鳳字子儒改南戶部右侍郎往年南京芻粟轉委之憲臣至是勅鳳兼督蓋以出納嚴慎故也時人以鳳執法號爲張板朝廷亦知其名以上侍郎

戶部尚書四

原均財

周禮太宰以九式均節財用注式謂財之節度

要會

計會

移用

謂轉移財

用也
周禮

經費

經常也

歲成

禮記司會以歲之成質於天子注要計也質平也平其計

要於天子

受成

受百官之成亦質於天子然後成歲事事計也

惟彼度支

掌

斯國用

納於王府

計在地官

典茲邦本

繫在

生民

必俟良臣

以委重務

既重於任

亦難其

人

苟有成敗

屬於安危

平均貢賦

充羨帑藏

均天下賦稅

制海內財用

爲要會之司

掌出

入之賦

得之則征賦克均

失之則財用不足

增

盡其智能

北史曰蘇綽授度支尚書兼司農卿時周文方欲革易時政務思富國強人之道故綽得

盡其智能贊成其事減官員置二長并置屯田以資軍國又為六條詔書奏施行之

帝自擇會

云唐高宗以竇德元舊臣自殿中少監為御史大夫歲中遷司元太常伯又任十餘年皆帝自擇

展

千里足

唐書云景雲中盧從愿為吏部侍郎杜暹注鄭縣尉後為戶部尚書盧自益州長史入朝杜立

於上乃謂盧曰選人定何如盧曰亦由僕藻鑑遂使明公展千里之足

立朝有風望

唐崔

從傳從字子又為戶部尚書

文士掌邦計

長編云李常字公擇

為人嚴偉立朝稜稜有風望

號山房為戶部尚書常文士少吏幹或疑不勝任以問司馬光光曰使此人掌邦計則天下知朝廷非急於征

利貪吏望風培克之患庶幾少息

翼翼版圖英英會府

常集翼翼版圖以辨九州

之地英英會府實總萬事之機

疆場綺分井田鱗次

張鷟云虞書五教實委司徒之

班周禮六卿爰開地官之位莫不織成都邑編緝黎氓
設九五之網維成四方之管轄班固申犬牙之制疆場
綺分應璩論馬齒之規井田鱗次戶標九等
具陳萬國之圖人有十倫並挂三年之籍
用此優

卿

金史云魏子平字仲均大定中進戶部尚書復為賀
宋主生日使上曰使宋無再往者卿昔年供河南軍

儲有勞用
此優卿耳

春風似不曾來

金史云孫鐸字振之承安
中遷戶部尚書泰和間與

侍郎張復亨議交釵詰難久之復亨議訟上顧侍臣曰
孫鐸剛正人也雖古魏徵何加焉再任戶部尚書鐸心
少之對賀客誦古人詩曰惟有
庭前老柏樹春風來似不曾來

歲寒松柏

獻徵錄明
郭資字存

性仁宗眷求老成起戶部尚書資感激効忠雖祁寒盛
暑必坐公署視事不暫廢僚屬胥吏莫不敬憚滿考賜
冥禮部獎以勅書譬資如歲寒松
相愈老愈勁其優待隆厚如此

食止市餅

又劉璣
字用齊

爲戶部尚書未製緋袍冬月朝會公卿皆緋紵獨絳紗袍同列餽以緋紵不受直至郊賜始製服日至部視事過午堂食止市餅四枚茶一盃耳

吏畏官服

又李廷相世宗時陞戶部尚書總督倉場兼提

督西苑農事人止以廷相爲老侍從長於文學而不知尤長於政理倉務百凡有條而一無所失吏畏之官服之

誠與直濟國事

又王鴻儒字懋學南陽人正德中爲南戶部尚書博聞多識凡祖宗

設政任人及先輩立身行己歷歷能言至論時務要決成敗可否通窒如探囊指掌待物開誠不問人私人亦不敢以私問常曰惟誠與直能濟國事

坐旁置四書

律例

又梁材爲戶部尚書語其屬曰若輩與人一接杯酒歡有干謁能峻却之乎率之曰坐部治事無敢

闌出入坐旁置四書律例暇即諷詠之以爲常以故黃綠請寄悉格不行

父子兄弟並至

八座

又許誥字廷綸擢南京戶部尚書與弟松臯居兩京大司徒又出襄毅公進之後父子兄弟並至八

座前此未有
縉紳榮之

會計部之事覺察院之事

又邊貢字庭實世宗時擢

戶部尚書東南財賦半輸留都百官六軍咸仰給焉制以都御史總之轉相疑忌事多格闕貢曰會計者部之事也覺察者院之事也何妨焉

國之材臣

白居易戶部侍郎張

平叔制云張平叔國之材臣也計能析秋毫吏畏如夏日司會逾月網條甚張況師旅未息調食方急倚成取濟非爾

伏獵侍郎

唐書李林甫引蕭昊爲戶部侍郎昊素無學嘗與嚴挺之言稱伏臘

而誰

爲伏獵挺之言於張九齡曰省中豈容伏獵侍郎乎乃出昊刺岐州

例外宣索執奏

周益

公集云柳約字元禮權戶部侍郎感激奮厲悉力盡言凡例外宣索皆執奏以進

幹事吏

金史

李偁字子友大定中再遷戶部侍郎每朝會與高德基屏人私語上聞而怪之問右丞石琚曰李偁果何如人琚曰亦幹事吏耳

極有風力

又王修性剛毅吏民憚其威遷戶部侍郎承安間大興知府缺

帝諭宰臣曰可選極有風力如王修者爲之

定百官朝會儀

又徐世隆字

以翰林侍講學士兼戶部侍郎承詔議立三省遂定內外官制上之時朝儀未立世隆奏曰今四海一家萬國會同朝廷之禮不可不肅

筆如嵌金

獻徵錄陳俊字

宜定百官朝會儀從之

戶部右侍郎於戶部號素練至是邊事動四方日奏災傷俊佐尚書楊鼎隨時裁決懸合事宜部屬相謂諸文移稿有陳公筆如嵌金然其重之如此

書十思座隅

又楊鼎字宗器陞戶部右侍郎書十

思於座隅曰量思寬犯思忍勞思先功思讓坐思下行思復名思晦位思卑守思終退思蚤恒自省焉由是涖

政卓然有聲
以上侍郎

戶部尚書五

增箴明宣宗戶部箴曰君國之道子民爲先黎庶旣安
邦本植焉相古地官實爾之職均節惠和民乃衣食賦
稅有經徭役有常民之所供舊典式張惟爾卿佐暨乃
攸屬庶幾夙夜恪謹乃服民克阜殷樹藝以蕃上下畢
充何有卒殫惟公惟勤惟時惟允惟仁之溥而義之盡
秦之商鞅唐之宇文苛征暴括邦以不振爾惟鑒茲毋

縱培克毋詭于隨毋敗于墨予惟爾任爾其懋哉尚友
古人執德不回

原詩唐崔融戶部尚書挽歌詩曰八座圖書委三臺章
奏盈舉杯常有勸曳履忽無聲市若荊州罷池如薛縣
平空餘濟南劔天子署高名 增劉禹錫奉送李戶部
侍郎自河南尹再除本官詩曰昔年內署振雄辭今日
東都結去思宮女猶傳洞簫賦國人先咏衮衣詩華星
却復文昌位別鶴重歸太乙池想到金門待通籍一時

驚喜見風儀

原制唐中宗授李承嘉戶部尚書制曰門下紫極八座
非德弗居丹屏六曹惟賢是擇金紫光祿大夫李承嘉
靈襟峻嶷識宇嚴明早聞道德之名夙有大臣之望雄
才逐日共騏驎而齊驅迅翼搏風與鵷鴻而並翥柏臺
憲府高膺弄印之榮芝甸神州獨署題輿之任堅同白
玉直若朱繩臺閣風生權豪氣懾洪材可重茂秩須崇
宜加曳履之班式獎從橋之對 增蘇頲授畢構戶部

尚書制曰司徒之官實掌邦教常伯之位先求國華具
官畢構達識鴻才調高學瞻器無不綜含清明以見微
言有可觀負忠謹以居直百郡仰其成績三臺推其故
事頃者任殷河尹聲滿洛師姦豪懼秋霜之威孤老懷
冬日之愛故可辨於五物書以萬人 孫逖授裴寬守
戶部尚書兼御史大夫制曰敬敷五教保息萬人缺官
而擇副相惟允具官裴寬器識高明風規端肅謬之
用累鷙鳥而莫當操割之能斷犀革而何有亟登臺閣

嘗擁旌旄禮樂爲從政之文德刑是戢兵之武雖地卿
所掌實佇通才而天憲維艱尚資兼領宜曳尚書之履
仍紆大夫之紳 蘇頲授源乾曜戶部侍郎制曰具官
源乾曜思總事端言思政要外則經通成務內則周密
知微其識也清以文守法尚方愛費已稱寶玉之府司
徒帥屬更重神仙之闡宜副朝獎蒞於邦教 白居易
授牛僧孺戶部侍郎制曰戶部侍郎周之地官小司徒
也掌天下戶口之圖生齒之籍賦役貨幣之政令以待

國用而質歲成元和以還日益寵重善其職者多登大
任中茲選者莫非正人具官牛僧孺自舉賢良踐歷臺
閣秉潤色筆提糾繆綱而書命無繁辭決事無留獄受
寵有憂色納忠多苦言夫以人曹之重如彼僧孺之賢
若此俾居是職不亦宜乎

原諫陳江總度支尚書陸君諫曰陸公國士之眷惠好
之深臨喪能諫久願搖筆時事迺不遑削橐梁李適
越未戢止戈陳世入仕累牽物役杼軸於懷三十餘載

隋開皇九年於長安致仕懸車以洎就木何幾但東海
成田南冠永繫龜山更促空想吹笛之哀馬角徒生絕
望通波之水嗚呼哀哉於是攬涕操觚乃爲誄曰鴈行
攸序龍作間才讓珠不拜錫劒恩來世故天禍臣悲主
辱露盡朝陽風驚夜燭悠悠世路辛苦艱虞尋戈滿道
曝骨交衢家無半菽地絕飛芻念君桑梓零落凋枯傷
君井邑孑戾崎嶇淒涼故友擗標遺孤臨穴別野撫櫬
長塗

戶部郎中一

員外郎附

原杜氏通典曰戶部郎中按漢尚書郎一人主戶口墾
田吳時張溫爲尚書戶曹郎魏有民曹郎晉分爲左右
民曹宋齊以下或爲左民或爲左戶後魏有戶部郎北
齊有左右民曹

例在吏部郎中篇

隋初爲戶部侍郎煬帝除侍

字隋末改爲民部郎武德初爲民部郎中龍朔二年改
郎中爲大夫咸亨元年復舊他時曹名或改而官號不
易掌戶口籍帳賦役孝義優復蠲免婚姻繼嗣百官衆

庶園宅口分永業等

建中三年正月戶部侍郎判度支杜祐奏天寶以前戶部事繁所以

郎中員外各二人判署自兵興以後戶部事簡度支事繁惟郎中員外各一人請迴輟郎中員外各一人分判度支案待天下兵革已息却歸本曹奉勅依

增文獻通考曰宋郎中左曹

右曹掌分曹治事建炎三年詔省并郎曹惟戶部五司

以職事煩劇不并仍各置一員淳熙九年詔戶部郎官

兼主管左藏南庫初置主管續文獻通考曰遼南面

戶部郎中並同吏部金戶部郎中二員從五品

貞祐四年

八員後減六員

元戶部郎中二人品秩與吏部同明設十

三清更司各郎中一人掌其分省及兼領京師直隸之事以贊尚書 員外郎 原杜氏通典曰隋文帝置煬帝改爲承務郎武德三年復爲員外郎 增續文獻通考曰遼戶部員外郎同吏部 金員外郎三員主事五員 元員外郎三人主事八人比他部獨多以戶部事煩也 明十三司各員外郎一人主事一人

戶部郎中二

增唐新語曰晉宋以還尚書省置員外郎分判曹事唐

朝彌重其選舊例郎中不歷員外選謂之土山頭果毅
言遽拜崇品有似長征兵回便授邊遠果毅也景雲中
趙謙光自彭州司馬入爲大理正遷戶部郎中賀陟爲
員外乃戲詠之曰員外從來美郎中望不優誰言粉署
裏翻作土山頭謙光訓之曰錦帳隨時設金爐任意熏
惟慙員外置不應列星文金史曰張亨字彥通起戶
部郎中世宗問宰臣曰御史中丞馬惠迪與張亨人才
孰優平章政事張汝霖曰惠迪爲人雖正於事不敏亨

吏才極高 元史曰尚文字周卿至元中進戶部郎中
奏罷懷衛竹稅提舉司民便之 又曰桂山字本寧歷

戶部郎中老成練達剛介不阿戶部條例煩劇剖決不
遺 獻徵錄曰明李嗣字克承署戶部郎中時五城兵
馬司妄奏房鈔都稅司侵尅公課蠹政戾民參提悉正
其罪士民快之尚書張鳳推重之曰公輔才也 又曰

鄒守愚字君哲世宗時歷戶部郎中議行平糴法奏發
帑金賑全陝饑劾諸中貴冒芻茭與爲逋逃主者諸所

持論諤諤不阿司農氏倚重焉 又曰陸愷爲南戶部

河南司郎中清以律已勤以涖事而吏弊以清大爲官

長所器

以上郎中

唐新語曰戶部爲吏部鄰司時吏部移

牒令戶部列棘以備交通呂太一爲戶部員外郎答曰

眷彼吏部銓綜之司當須簡要清通何必設籬樹棘省

中賞其俊拔 合璧事類曰唐狄仁傑薦子光嗣爲員

外郎涖事有聲 獻徵錄曰賴先字伯起拜戶部主事

收倉糧不避權貴查屯田豪右斂跡 又曰張昕陞戶

部員外郎一以養民爲心深爲尚書夏原吉所重恒念先人所遺幸有餘自爲主事即辭祿雖奉使在外不給公廩餽遺一無所取

以上員外郎

戶部郎中三

增嚴部

清秩

魏晉儀注魏有嚴部郎中杜牧韓賓制郎官皆爲清秩

人部

郎官

合璧事類魏爲左人右人後又爲人部人曹亦爲曹部皆戶部也韋維爲郎自叔謙至維郎中數

人世號

爲考堂

號書樓

唐書云張博濟爲戶部郎中郎官家

郎官家

計處博濟廢爲郎中員外廳事別取都水監地爲考堂韓苑新書宋淳化中戶部郎中張郁父正仕至戶部

侍郎世尚儒學

號書樓張家

戶部二妙 貞元十子

合璧事類唐
韋維字文紀

爲戶部郎中善裁剖時員外郎宋之問善詩故稱戶部
二妙 又盧綸爲戶部郎中有詩名於貞元中與李端

司空曙之徒名爲十才子
形於圖畫以美其名焉

詞理愜當

氣岸高雅

隋書

云高構轉民部郎中時有叔姪爭嫡尚書省不能斷朝
臣之議不決構斷而合理上以爲能勞之曰我聞尚書
郎上應列宿觀卿才識方之古人信矣嫡庶者禮義之
所重我讀卿判數過詞理愜當意所不能及也賜米百
石由是知名 山堂肆考唐武儒衡遷戶部郎中氣岸
高雅論事有風采時皇甫鎛以宰相領度支剥下益上
儒衡上
疏論列

下大夫

三列宿

六典曰周官司徒屬官有
下大夫蓋郎中之任也

唐書韋湊字彥宗祖叔諧貞觀中爲庫部郎中與弟吏
部郎中叔謙兄主爵郎中季武同省時號三列宿以

中 上郎

言河堤種柳議代州鑄錢

金史劉璣大定中授戶部員外郎條

上便宜數事世宗謂宰臣曰璣言河堤種柳可省每歲隄防之費及言官錢利害甚可取前後戶部官往往偷延歲月如璣者不可多得卿等議其可者行之又劉煥字德文以本官攝戶部員外郎代州錢監雜青銅鑄錢錢色惡類鐵民間盜鑄抵罪者衆朝廷患之下尚書省議煥奏曰錢寶純用黃銅精冶之中濡以錫若青銅可鑄歷代何緣不用自代州取二分與四六分青黃雜糅務省銅而功易就由是民間盜鑄陷罪者衆非朝廷意也必欲爲天下利宜純用黃銅得數少而利遠其新鑄已流行者宜驗數輸納準換從之

版籍

不墜

出納惟公

獻徵錄宋明字惟遠初授戶部主事督臨清倉儲中官監儲者頗恣橫明

至一裁以法宿弊頓革陞員外郎時有中貴奏乞莊田於保定濫及容城諸縣上命明往按之廉得其情抗疏

以聞版籍賴以不墜 又邊永字任遠英宗時除戶部
貴州司員外郎督餉臨清時同事者中貴四人咸怙勢
肆虐永一以直道處之不激不隨而出納
惟公宿弊寢革民甚賴之 以上員外郎

戶部郎中四

增制唐蘇頲授李邕戶部郎中制曰具官李邕探學精
奧爲文沉鬱謇諤之心動必無撓彌綸之用行則有恒
故以高才逸羣懿聲滿聽宜膺版圖之任允光蘭握之
選 常袞授李規戶部郎中制曰具官李規志學純備
居有彛檢才理精達動無滯用常執邦憲兼毗使軒處

煩行簡從容濟務參我地官之屬首於時俊之科亦既
外除尤彰內行正名舊秩以寵迴翔

增記宋施溫舒戶部郎官廳壁記曰國家分置六部各
統其屬屬之所治各有攸司戶部之屬五其所治之事
若民訟若賦役若供餽給賜若貨財出納若倉廩委積
雖各掌其一而書判之冗會計之勞符檄之多攸責略
等也

增碑唐劉禹錫崔公僊碑曰公檢校戶部郎中幹池鹽

於蒲修牢盆謹衡石煎和既精飴散乃盈商通而洊至
吏懼而循法民不結網而國用益饒詔褒其能

度支郎中一

員外郎附

原杜氏通典曰度支郎中按漢初張蒼善算以列侯主
計居相府領郡國上計者謂之計相殆今度支之任魏
尚書有度支

歷代度支
具尚書中

隋初爲度支侍郎煬帝除侍字

武德加中字龍朔二年改度支爲司徒咸亨元年復舊

掌支使國用

開元二十四年三月戶部尚書同中書門
下三品李林甫奏租庸丁防和糴雜支稅

革諸色旨符承前每年一造據州府及諸司計紙當五十萬張仍差百司抄寫事甚勞煩條目既多詳檢難過緣無定額支稅不常亦因此涉嫌情長姦僞臣今與採訪使及朝集使商量有不穩便於人非當土所出者隨意沿革務從允便即人知定準政有常文編成五卷以爲長行旨冠省事司每年但據應支物數頒行每州不過一兩紙仍附驛送勅依

至德以後戎事費多二年十二月呂諲爲

兵部侍郎平章事充勾當度支使上元元年五月劉晏爲戶部侍郎勾當度支使元年建子月元載爲戶部侍郎勾當度支使寶應元年正月劉晏戶部侍郎勾當度支使二年二月韓滉以宰相加度支使五年二月竇叅

爲中書侍郎平章事度支使自後雖無亦有他官判或

云權判亦云專對 增文獻通考曰度支郎中掌周知

軍國財用會其出入之數凡上供有額封樁有數科買
有期皆掌之有所漕運則計程而給其直凡內外支供
及俸給驛券賞賜衣物錢帛先期擬度時而予之 續

會要曰宋度支判司事一人列六案度支案發運案支

供案掌賜案掌法案知雜案以無職事朝官充 續文

獻通考曰遼南面中京設度支使司官副使判官不屬

戶部 元設度支監掌給馬駝芻粟卿三員太監二員
少監三員監丞二員至大二年改立度支院此不屬戶
部以度支附焉 明制見尚書內 原杜氏通典曰員
外郎改置與戶部員外郎同

度支郎中二

增唐張鷟集云鳴鶴登朝含雞伏省轉筋之美未見稱
奇聚米之能無聞播美張蒼之善算國用詎肯留情馮
勤之力計軍儲曾何介意年支國賦爲政之嘉猷歲計

軍儲邦家之要務

西京雜記曹元理善算回筋知二國之粟不差升斗也

筆談

曰唐貞觀中勅下度支求杜若省郎以謝朓詩芳洲杜若乃責方州貢之本曹官云州不出杜若應由謝朓詩誤耳華省名郎如此判事豈不畏二十八宿笑人邪

唐書曰張濬爲度支員外郎黃巢將逼闕輔濬託疾請告侍其母挈族避亂商州賊犯京師僖宗出幸途無供頓衛軍不得食漢陰令李康獻糗餌數百騾綱軍士始得食僖宗召康問曰卿爲縣令安能操心及此康對曰

臣爲塵吏安敢有此進獻張濬員外教臣也帝異之急
召至行在拜兵部郎中 山堂肆考曰張仲方少朗秀
父友高郢見而奇之曰此子非常必爲國器後爲金州
刺史郡人有田產爲中人所奪仲方三疏奏聞竟理其
寃入爲度支郎中 中興繫年錄曰宋徐宗說在度支
會右曹金部皆闕官因令兼領三曹金穀纖悉之地而
宗說素有心計於天下經費出入盈縮之數莫不通知
老吏爲之斂手 事文類聚曰宋朝凡度支之政皆歸

三司本司無所掌元豐官制行郎中員外郎始實行本司事初除陳向參掌計度天下之經費以貢賦租稅之入而爲之出小事則擬畫大事則諮其長

度支郎中三

增司度 參計

唐官制云龍朔中改度支郎中爲司度大夫張鷟云尹某入參計會職綰度

支

分領 自職

唐故事以宰相分領度支職林云狄梁公以度支之司天下利害部常

闕人求之不得乃自職之

支國賦 計軍儲

見前二張鷟集

判入判出

計支計用

唐故事度支案郎中判入員外郎判出侍郎總統押案而已六典度支掌支度國

用租賦多少之數物產豐約之宜水陸道路之利每歲計其所出而支其所用

副知首立

對唱無差

六典云蘇弁授度支郎中副知度支事仍命立於正郎之首戶部有副知之名自蘇弁始

也唐書崔仁師爲度支郎中嘗奏度支財物數千言手不執本太宗怪之令杜正倫齎本與仁師對唱一無

差殊帝大奇之

增制唐常袞授裴倩度支郎中制曰具官裴倩達識含精長材致遠秉彛尚晦金璞自明當劇居難干將獨割周歷臺閣綢繆藩鎮休聲異政亦克有終底慎財賦之殷校計軍國之用得專其任爰舉舊章佇爾發揮以之

瞻濟

增疏唐權德輿論度支疏曰度支所務至重量入爲出
從古所難使物無遺利而不可竭竭則害生類使奸無
隱情而不可刻刻則傷人和調其盈虛制其損益上繫
邦本下繫元元苟非全才通識則有所壅

金部郎中一

員外郎附

原杜氏通典曰金部郎中按周官有職金掌金玉錫石
丹青之令魏尚書有金部郎其後歷代多有之北齊金

部主才量尺度內外諸庫藏文帳

隋盧昌衡字子均祖孝徵薦爲尚書金部

郎每謂人曰吾用盧子均爲尚書郎自謂無媿幽冥矣

隋初爲金部侍郎煬帝除

侍字武德中加中字龍朔二年改金部爲司珍咸亨初

復舊天寶中改爲司金至德初復舊掌庫藏金寶貨物

權衡度量等事自開元二年置鑄錢使皆以他官爲之

增續會要曰宋金部判司事一人以無職事朝官充

凡庫藏出納之節金貨財貨之用皆歸三司而權衡度量之制出於太府本司無所掌元豐官制行郎中員外

郎始實行本司事 文獻通考曰金部掌金帛貨寶之
入以待邦用以年額拘催受給建炎元年詔常平司見
管山澤坑冶並依舊撥隸金部三年詔罷太府寺隸金
部 原杜氏通典曰員外郎改置與戶部員外郎同

金部郎中二

增唐書曰建中初罷鹽鐵等天下錢穀委倉部金部中
書門下揀兩司郎官準格式調掌 職林云蕭穎士字
茂挺終於揚州功曹子存字伯誠爲金部員外郎諒直

有功曹之風 朱晦菴集曰王師愈召除金部郎中數

言事孝宗賜書曰比來奏對頗及治道之具而未詳也
尚有可裨政體而宜於今者亟復條奏其眷注之隆一
時在廷之臣莫敢望焉 又金部尚書楊俊取諸郡積
逋緡錢七百萬付金部使督之師愈曰此錢徒有其名
耳督之未必得而文移一下所擾者不知幾何人且中
外一體若邦計未裕不若歸誠君父以幸寬免豈宜舉
此虛籍以罔上而病民邪持其事不下

增制唐蘇頲授蔡秦客金部郎中制曰具官蔡秦客風格允正文辭優洽明以在公直而履道聲馳粉署爰提建禮之綱位總金曹宜轉司徒之屬

倉部郎中一

員外郎附

原杜氏通典曰倉部郎中按周官有倉人主藏九穀又有廩人主藏九穀之數賙賜稍食魏尚書有倉部郎後魏有太倉尚書亦其任也故後魏書曰李訢爲太倉尚書攝南部事令千里之外戶別轉運詣倉輸之所在委

積延停歲月大爲困弊歷代多有倉部曹皆掌倉廩之事後周有地官屬司倉下大夫隋初爲倉部侍郎煬帝除侍字武德中加中字龍朔二年改倉部爲司庾咸亨初復舊天寶中改爲司儲至德初復舊掌諸倉廩之事開元二十六年以後置出納使皆以他官爲之

訢音許
斤切

增唐職林曰畢誠爲倉部郎中故事要家勢人以倉駕二曹爲辱誠沛然如處美官宰相聞之遷職方郎中兼御史雜知唐書曰長慶中孟簡爲倉部員外郎王

叔文爲戶部侍郎簡爲其屬中立正色挺然不羣續
會要曰宋倉部判司事一人以無職事官充凡倉庾受
納租稅出給祿廩之事皆歸三司而別置提點倉場官
以督察本司別無所掌元豐官制行郎中員外郎始實
行本司事文獻通考曰倉部掌倉芻粟出納之事建
炎三年罷司農寺歸倉部紹興四年復置司農寺原
杜氏通典曰員外郎改置與戶部員外郎同

增制唐元微之行范季陸倉部員外制曰出納必恡有

司之常貳上下之價則茫昧者受弊雜苦良之貨則豪
右者受贏惟一惟公乃罔不同惟平惟實乃罔不吉

劉禹錫授倉部郎中制曰周制倉人以辨於邦用廩人
以待乎匪頒後代或均輸或平糴皆周官倉廩之職也
於戲王者藏於天下吾何私焉收斂以時儲蓄必謹俾
夫凶荒無患貧富克均宜咏京坻之詩勿守豆區之限

御定淵鑑類函卷七十八

謹案卷七十八第八頁後二行伊喇舊作移刺今

改後倣此



謹案卷七十七第二頁前七行咸亨元年刊本亨訛通據通典改

卷七十八第二頁前八行多領工役刊本役訛官據通典改

第二十九頁前一行回筋知二困之粟刊本筋訛筋困訛國據西京雜記改

第三十三頁後五行皆以他官為之刊本他訛地據通典改





總校官庶吉士臣張能照
 校對官庶吉士臣陳墉
 膳錄監生臣孔廣校